



Do Hanseorg seit, dass er gern tät,
d' Vernunft säg zwor iohm, as sei z' spät.


Sie hät zwor 's Wello iohm nid gno;
ar tröscht sä, ar hei eh gnuo to.

Verkorkat

(ASP741-28.04.2019)



Verkorkat ischt an Zitgnoss denn,
nach allgemeiner Muonung, wenn
as uonom numa reocht wil glingo
us iohm no Bruchbars ussar z' bringo.



Wenn mir an Reim in Sio kut, denn
argebond sä Gedankogäng
uf dio i ohne Reimo nio
im Leobo, ohne, druf ko bio.

So isch-as, dass im Leobo oft
dir eopas grot ganz uverhofft.
Wenn d' zuogrifscht denn zur reocht Zit,
a dir, dass eopas drus würd, lit.

Wenn iohr däm Dichta säga wänd,
am End iohr gär nid u'reocht händ.




U'art (schriftdütsch: Unart)

Dass d' wunderig bioscht, gischt nid gern zuo,
obwohl d' nünt kascht dogegot tou.

A-n-U'art, hoßt man zwor - do Wunder.
vo uofach gstrickta Lütö d' Art.
ganz ohne güng ma aber under,
wil ohne iohn ma nünt arfahrt.

Min Wunder ischt - as tuot mir load,
zum Glück ou sus no wit verboeat.



hüt morn gescht

(ASP744-02.04.2019)



(zur leichteren Lesbarkeit: Betonung der groß geschriebenen Wörtern am Zeilenanfang)

EOpas stoht fescht:
HÜT ischt morn gescht
RÖÜo tuot as dromm mä
MORN ischt hüt scho ommä !

Für 's HÜT blös quot no ischt,
dass MORN hüt wieder ischt


Für MORN ischt zwor MORN hüt übermorn !

Wenn UOM die allarnöscht nooch Zit
scho DÄNnoweo(g) zum Schaffa git,
wio WÜRD as üsarum erscht go,
wo d' Ewigkeit söttit versto !

As ischt und blibt das Allerbescht,
's Hüt - MORN isch wieder gescht.

(ASP744-02.04.2019)

x



am liobschto

(ASP745-02.04.2019)

mit mir söt go, i sägs öü glei,
ma om, wio mit am rocho-n-Ei.

...i dar arwarta gwioß vo öü,
dass niomig z load mir eopas töü.

... wenn seolb ma mi blös macha lot,
derneobot ou nid gär alls goht.

... wenn i so om mä ommä luog,
heat jeda mit sä seolb z tuo gnuog.

... du bioscht im Grund gno nid schleicht dra,
wenn dir ma nid all reocht gio ka.

... i uverholo zuogio ka,
am liobschto i mi selber ma.

... zum Basketballa bio-n-i z klänn,
quot dass i ou no anders kenn.

... ou fröüher heat ma gwioßt scho uos,
ma lot do Hündo s Tüorgomuos.

(ASP745-02.04.2019)